



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

III. Zozimus in caussa Arelatensis Episcopi, & in epistola generali. Et  
Bonifacius I.

**urn:nbn:de:hbz:466:1-15591**

habebitur, nisi consensu publico accedente. Præterquam quòd enim hæc novarum legum conditio, & præcipue ecclesiasticorum, ut assensu eorum, quorum interest, probentur; id sibi præcipue vendicat canonum reverentia, ut iis Pontifices Romani derogare velle non censeantur, et si fortasse formulis rescripti ex stylo Curia alter cautum sit. Hæc est enim innata Canonum & Decretorum conditio, ut perpetuo vim suam obtinere debeant, nec mutationibus illis subjaceant quæ in legibus secularibus sunt frequentissimæ, ob rerum mundanarum mobilitatem, ut loquar cum Innocentio primo. Tribus autem modis præcipue antiquis legibus & canonibus derogari solet. Vel nova lege promulgata, quæ priorem abroget, vel dispensatione & venia legis, aut derogatione certo quodam casu alicui concessa, vel privilegio perpetuo indulto. Nova leges ferri non debent, nisi magna & evidenti utilitate cogente: quia durum est ab eo jure quod diu æquum viam est recedere, ut dixit Vlpianus. Quod præcipue locum habet in legibus ecclesiasticis, quæ à Spiritu sancto condita dicuntur à Leone primo. Quam ob causam venia quoque canonum non facile indulgenda est, nec dispensationibus privatis, nec privilegiis personalibus, aut perpetuis.

11. Itaque non agimus cum sede apostolica quasi cum potestate quadam certis regulis ita devincta ut eas nullo casu egredi possit, cùm sciamus canonum dispensationem, cuius est in politia ecclesiastica frequentissimus usus, Summo Pontifici præcipue concretam. Sed, veluti ex pollicitatione, quam suis Decretis Canonum & Constitutionum executionem sponderunt, à B. Petri successoribus cum debita reverentia exigimus. Quantum verò canonibus detulerint Romani Pontifices per omnes estates, perpetuo & verbis & factis testati sunt; eademque opera libertates nostras inviolatas spondere visi sunt. Cujus rei insigne præbet exemplum Ioannis Chrysostomi contra canonum præscripta in synodo ad Quercum damnatio decreta ab Orientalibus Episcopis: cui & Innocentius I. & ceteri Italæ Episcopi consensum præbere noluerunt; quia quæ canonibus violatis peraguntur, rata esse non possunt. Vnde Occidentis & Orientis communio interrupta fuit ad tempus. Sed tandem Ioannis nomen in Diptycha Ecclesiæ relatum fuit, & restitutum inter Ecclesiæ Communionis consortium. Servandorum canonum studium eò Romanos impulit, ut satius duxerit in specie proposita scissionem Ecclesiæ

perpetui quām connivere ut canonibus aperte vis inferretur. Nam longè præsterit, inquit Innocentius in epistola ad Clerum Constantinopolitanum, vel ea condemnare, fratres carissimi, que rectè facta sunt, quāmea robur ullum sortiri que adversus canones gesta sunt.

III. Zozimus Pontifex Episcopis provinciæ Viennensis & Narbonensis secundæ graviter exprobrat divisionem provinciæ Vieppenensis, quam contra patrum statuta tentaverant in Concilio Taurinatensi. Etenim canone secundo certantibus de primatus honore Arelateni & Viennensi Episcopis, à synodo definitum est ut qui ex eis probarerit suam civitatem esse metropolim in laterculo Imperij, is totius provinciæ primatum etiam in rebus ecclesiasticis obtineret, & jura ordinationum juxta canones, interim verò, concordia & pacis causa, viciniores sibi quisque civitates intra provinciam vindicaret. Hanc Concilij temeritatem, quæ delatam ab apostolica sede jam olim Arelateni Ecclesiæ potestatem subvertebat, Zozimus quidem Decreto suo repressit, & intermissum ordinem restituit; sed iis verbis usus est quæ ab Hinemaro, Ivone, & Gratiano adnotata sunt, ut constet Pontifices nelle sibi liberum esse antiqua decreta immutare: *Apud nos enim inconuulsis radicibus vivit antiquitas, cui statuta patrum sanxere reverentiam.* Idem testatum voluit Episcopis Africae, Gallia, & Hispaniæ, quid de hac re censeret. *Cum adversus patrum statuta venitur, non tantum illorum prudentie atque sententie qui in evum victura sanxerunt, sed ipsi quodammodo fidei & catholice discipline irrogatur injuria.* Quid enim tam sanctum ac venerabile est, quām penitus non exorbitare ab itinere majorum, quorum canonica instituta velut quedam fundamenta sunt, ferendis fidei jaeta ponderibus? Bonifacij pars cura fuit anno CDXXII. in evertenda Patrocli Arelateni Episcopi præsumptione, qui Lutubensi Ecclesiæ, pratermissio Metropolitanu, Episcopum ordinatar contra patrum regulas: *Quod ne quaquam possumus ferre patienter, inquit, quia convenit nos paternarum sanctionum diligentes esse custodes.*

I V. Sed illustrius testimonium proferri non potest quām id quod è variis Leonis Papæ epistolis petitur, cùm de Concilijs Chalcedonensis confirmando canone XXVII. quæstio incidisset: de qua paulò uberioris dicendum est, ut hinc etiam primatus Romani Pontificis adversus Novatorum ludificationes asseratur. Sed ante omnia, controversia status constituendus est.